

## 17.15 CONTRASTS SIN SRF 1

---

### Per via cun art – in purtret da Sara Hermann

Dapi trais onns è l'actura da Samedan Sara Hermann commembra da la pli renunmada grupp da teater svizra, da Mummenschanz. Ina giada è ella ina medusa alva, en in auter toc è ina già sia mascra e pli tard porta ella ina mascra da plastilin. Tar tuts trais tocs è sia fatscha adina zup-



pada davos ina mascra. Il film mussa la fatscha da Sara Hermann davos la mascra, la vita davos las culissas cun ses muments legraivels, dentant era cun muments stentus e pensivs. Il film dat era invistas en la vita da Sara Hermann sper sia lavur cun Mummenschanz: Ina visita tar ses bab a Samedan, ina prelecziun per uffants a Cuir e ses nov project a Turitg.